

Reglement per taxas da baghegiar dalla vischnaunca da Riein

Art. 1 Principi

Tenor art. 85 dalla lescha da baghegiar dalla vischnaunca da Riein dils 04-08-1995 relai la vischnaunca da Riein suandont reglement da taxas.

Art. 2 Taxas da baghegiar

Per menar atras ina procedura per la lubientscha da baghegiar e las controllas necessarias ha il petent da pagar alla vischnaunca ina taxa da 1 ‰ dalla schazegiada nova da baghetgs tenor la schazegiada officiala, denton minimal frs. 50.00. Tier midadas e baghetgs annexs vegn la taxa per la lubientscha da baghegiar quintada sin la differenza dalla valeta nova e la valeta indexada dil temps.

Art. 3 Expensas supplementaras

Expensas extraordinarias e supplementaras, expertisas, cussegliazions, controllas entras la polizia da baghegiar ni da fiug, dil geometer ni dil cudisch funsil vegnan adossai al petent tenor ils cuosts effectivs.

Art. 4 Predecisiuns

Per predecisiuns, damondas retratgas, lubientschas negativs vegn quintau la taxa minimala da frs. 50.00.

Art. 5 Retratga dalla damonda

Vegn ina damonda da baghegiar lubida buca exequida, sa il petent pretender anavos tier la vischnaunca la mesadad dalla taxa.

Art. 6 Procedura

Encunter il quen da taxas per lubientschas da baghegiar sa vegnir fatg protesta enteifer 20 dis. Quella protesta sto succeder a scret e per mauns dalla suprastanza communal.

Art. 7 Rendaquen

Las taxas per lubientschas da baghegiar ein da pagar mintgamai enteifer 30 gis dapi la communicaziun.


Art. 8 Vigur

Quei reglement da taxas per lubientschas da baghegiar va en vigur cun igl 01 da schaner 1999.

Approbau dalla radunonza communal dils 06-11-1998.

7128 Riein, 06 da november 1998


Il president communal:



Thomas Zinsli



L'actuara:



Daniela Vincenzi